

Recitantur variæ opiniones de hac Stella,
eædemque diluuntur. Cap. 2.



ARIÆ opiniones sunt sparsæ de hac
nova stella publicè editis libellis, multo-
rumque animi varietate illa opinionum
in diuersum adeo distracti, ut insigne hoc
prouidentia Dei opus penè in despectũ
abierit. Ego igitur recitatis aliorum opi-
nionibus, ad singulas respondere, errores reprehendere, &
arrogantes quorundam voces retundere sum conatus, non
quidem studio contradicendi (à quo mea natura abhorruit
semper) sed veritatis inquirendæ & asserendæ causa: &
ut multorum bonas mentes falsa persuasione imbutas, ad
amplectendam & iustâ possessione retinendam veritatis
cognitionem adducerem: utque præclarum hoc prouiden-
tiæ Diuinæ munus balbutiendo celebrius redderem, ne id
unquam è memoria hominum elaberetur.

Sunt qui hanc Stellam, non nouam, sed veterem, ac à Raimun-
primæua rerum origine conditam, adeoque illam ipsam, di opinio
quæ est numero undecima, in imagine Cassiopeæ esse con- refutatur.
tendunt: quam opinionem primus omnium sparsit tueriq;
aggressus est Hannibal Raimundus Veronensis, ac pluri-
mos sua opinione infatuauit, libello de ea Stella edito: in
quo tamen præter nugamenta & ineptias quas affert, om-
nes alios diuersum sentientes, nimis audacter & præsum-
ptuosè erroris arguere non veretur. Rationes igitur sui in-
stituti examinabimus libertate Philosophica. Harum pri-